

երկրորդ, որ քաղաքի էհվալն դու քաջ գի-
 տես, ոչինչ արդիւնք առ մեզ արարին Բայց
 սակս Սոսրովին հիսապին՝ այս երեք ան-
 դամ եղեւ որ սիւնհողոս արարաք, չկարա-
 ցաք զմեր հիսապն տեսնել առ նա, վասն որոյ
 այսմ հետէ հարկ եղեւ մեզ, որ շէրիաթ եւ
 ղիւան մտանեմք՝ թէ զի՞նչ առաջնորդէ Ած․ :
 Բայց մինչ ի գալն մեր ի քաղաքս թօփալն
 իւր բանն շիներ էր, եւ թէ ժամաներ էաք
 նախ քան զհոգալն նորա, պէլքի թէ խափա-
 նել կարէաք Աստուծով եւ չլինէր այսպէս
 խռովութիւն, որպէս եւ տեսանեմք : Իսկ
 այժմս յաղազս Մարտիրոս Վարդապետին,
 զոր հոգալ կամիմք, այնպէս է մեր կամքն,
 թէ խաթի շէրիֆով լինի, որ հաստատ յա-
 ւիտեան. իսկ եթէ խաթի շէրիֆ չլինի, ոչ
 թողումք ձեռնամուխ լինել. եւ այս Այ. է
 գործ, որ յաջողէ զկամելն եւ զառնելն, եւ
 քոյդ օգնականութիւն, որ ամենայն ջանիւ
 հոգաս : Միրելի եղբա՛յր, այս ժողովուրդ
 որպէս անբան անասունք նմանին, եւ եթէ ոչ
 խթանաւ մղել կամիցի ոք, ոչ առնեն գործ
 ինչ, վասն որոյ յօժարեսցիս զալ առանց
 դանդաղանաց, զոր յոյժ բարւոք առնես, զի
 ամենայն ինչ հաստատութեամբ առնու զկա-
 յութիւն, որպէս եւ մեր ջանքն է : Ըստ այսմ
 դու եւս պարտիս ջանալ ամենայն յօժարու-
 թեամբ, զի Տէրն ամենայնի պահեսցէ զքեզ
 անփորձ յամենայն չարէ. ամէն : Գրեցաւ ի
 թվին ՌձԻԹ Յուլիս ամսոյ յերկու, ի մայ-
 րաքաղաքն Ըստամպոլիս :

1680
 Յուլիս 2